

乐毅报燕王书

国策

昌国君乐毅、为燕昭王合五国之兵

赵、楚、韩、魏、燕。

而攻齐、下七十余城、尽郡

县之以属燕。三城未下、

三城、聊、莒、即墨。唯莒、即墨未下。云三城者、盖因燕将守聊城不下之事而误。

而燕昭王死。惠王即位、

用齐人反间疑乐毅、而使骑劫代之将。乐毅奔赵、赵封以为望诸君。

赵封毅以观津、

号望诸君。

齐田单诈骑劫、卒败燕军、复收七十余城以复齐。

一段、叙事简括。

燕王悔、惧

赵用乐毅、乘燕之敝以伐燕。

补写燕王心事一笔。

燕王乃使人让乐毅、

让、责也。

且谢之曰、

先王举国而委将军、将军为燕破齐、报先王之仇、天下莫不震动、寡

人岂敢一日而忘将军之功哉。会先王弃群臣、寡人新即位、左右误寡

人、寡人之使骑劫代将军、为将军久暴仆、露于外、故召将军、且休计

事。

善语周旋、巧于文饰。○以上是谢之辞。

将军过听、以与寡人有隙、遂捐燕而归赵。将军自为

计则可矣、而亦何以报先王之所以遇将军之意乎。

以上是让之之辞。○先谢后让、重称先王、欲以感动乐毅。词令委折有致。

望诸君乃使人献书报燕王曰、臣不佞、不能奉承先王之教、以顺左右

之心、恐抵斧质之罪、

质、斩人榘也。

以伤先王之明、而又害于足下之义、

无罪而杀毅、非义也。

故

遁逃奔赵。

先叙不归燕而降赵之故。○前书有先王左右寡人、故应还先王左右足下。

自负以不肖之罪、故不敢为辞说。今王

使使者数

上声。

之罪、臣恐侍御者之不察先王之所以畜幸臣之理、

不敢斥言惠王、故称侍御。畜、养

也。幸、亲爱之。○应遇将军之意。

而又不白于臣之所以事先王之心、

应自为计。

故敢以书对。

一起、已括尽一篇大旨。

臣

闻圣贤之君、不以禄私其亲、功多者授之、不以官随其爱、能当者处

之。故察能而授官者、成功之君也、论行而结交者、立名之士也。

功名二字、一篇柱。

臣

以所学者观之、

自见本

先王之举错、有高世之心、故假节于魏王、而以身

得察于燕。

时诸侯不通、出关则以节传之。毅为魏昭王使燕、遂为臣。察、至也。○事先王之心。

先王过举、擢之乎宾客之中、而立之

乎群臣之上、不谋于父兄、

正对左右句。

而使臣为亚卿。

畜幸臣之理。

臣自以为奉令承教、

可以幸无罪矣、故受命而不辞。

事先王之心。

先王命之曰、我有积怨深怒于齐、

不量轻重、而欲以齐为事。

畜幸臣之理。

臣对曰、夫齐、霸国之余教、而骤胜之

遗事也、

骤、数也。齐尝霸天下、而数胜于他国、其余教遗事犹存。

闲于甲兵、习于战攻、王若欲伐之、则必举天

下而图之、举天下而图之、莫径于结赵矣。且又淮北宋地、楚魏之所

同愿也、

楚欲得淮北、魏欲得宋、时皆属齐。

赵若许约、楚赵宋尽力、

魏欲得宋而尽力。

四国攻之、

并燕为四国。

齐可大

破也。

事先王之心。

先王曰、善。臣乃口受令、具符节、南使臣于赵、顾反命、

回顾而反、言其速也。

起兵随而攻齐。

毅令赵、楚、韩、魏、燕之兵伐齐。○畜幸臣之理。

以天之道、先王之灵、河北之地、

随先王举而有之于济上。

济上、济水之西、齐界也。

济上之军、奉令击齐、大胜之、轻卒

锐兵、长驱至国、

攻入临淄。

齐王

闵王。

逃遁走莒、仅以身免。珠玉财宝、车甲珍

器、尽收入燕、

事先王之心。

大吕陈于元英、故鼎反乎历室、齐器设于甯台、

大吕、齐钟名。故鼎、齐

所得燕鼎。元英、历室、燕二宫名。甯台、燕台也。

蓊丘之植、植于汶篁、

蓊丘、燕都。植、旗帜之属。汶、水名。竹田曰篁。言蓊丘之所植、植于齐汶上之竹田。○上三句、自齐入燕。蓊丘句、自燕及齐。

自五伯以来、功未有及先王者也。

一顿、赞先王、正自赞也。

先王以为顺于其志、

愜于心。

以臣

为不顿命、

顿、犹坠也。

故裂地而封之、使之得比乎小国诸侯。

封毅为昌国君。○畜幸臣之理。

臣不佞、

自以为奉令承教、可以幸无罪矣、故受命而弗辞。

事先王之心。○遥应前文、笔情婉宕。

臣闻贤明

之君、功立而不废、故著于春秋、蚤知之士、

蚤知、先见也。

名成而不毁、故称

于后世。

应前功名二字。文从不废不毁四字、生出后半篇。

若先王之报怨雪耻、夷万乘之强国、收八百岁之

蓄积、

通太公数之。

及至弃群臣之曰、遗令诏后嗣之余义、执政任事之臣、所以

能循法令顺庶孽者、

新立之君、皆患庶孽之乱、昭王能预顺之。

施及萌

同氓。

隶、皆可以教于后世。

叙完先王事、下始入议论。

臣闻善作者不必善成、善始者不必善终。

虚冒二句。

昔者伍子胥说听乎阖闾、

吴王、名故吴王远迹至于郢。郢、楚都。吴破楚、长驱至郢。○善作善始。夫差闾閭弗是也、不然子胥之说。赐之鸱夷而

浮之江。鸱夷、革囊也。夫差杀子胥、盛以鸱夷革、投之江。○不必善成善终。故吴王夫差不悟先论之可以立功、故沉子

胥而弗悔、燕王有之也。子胥不蚤见主之不同量、故入江而不改。蚤见、应上蚤知。不改、言子胥投江而神不化、犹为波涛之神。

○自言几不免也。夫免身全功、以明先王之迹者、臣之上计也。免身于罪、而全取齐之功、以明昭王之旧烈、是臣之本意。离同、毁

辱之非、堕先王之名者、臣之所大恐也。离、遭也。遭诽谤而被诛、则坏先王知人之名、故恐惧而奔赵。临不测之罪、

以幸为利者、义之所不敢出也。被不可测之重罪以去燕、又幸赵伐燕以为利、揆之于义、宁敢出此。○剖明心事、激扬磊落、长歌可以当泣。臣闻古之

君子、交绝不出恶声、忠臣之去也、不洁其名。毁其君而自洁。○复转二语、结出通书之意、以应起。臣虽不

佞、数朔、奉教于君子矣。应以臣所学句。恐侍御者之亲左右之说、而不察疏远之

行也、应前侍御不察二句。故敢以书报、唯君之留意焉。

察能论行、则始进必严。善成善终、则末路必审。乐毅可谓明哲之士矣。至其书辞、情致委曲、犹存忠厚之遗。其品望固在战国以上。